





王夢澤集 四冊  
一函

王夢澤集序



王夢澤集若干卷舊刻於夢澤之家  
今雲澤官淮復刻之郡齋而請余以  
序曰願有以永吾兄者嗟乎吾烏足  
為夢澤言哉夢澤弱冠振場屋聯登  
甲科程試之文膾炙海內逮入禁苑  
才名益馳天下操觚之士識與不識



一莫不服其爲華及也命與仇謀機將  
一禍會共妬朋忌群言沸天內不見容  
一外不能亮擠排挫折放乎丘壑君平  
一棄世而世亦棄君平矣然則夢澤何  
一嘗異哉世人褊心見其跡不察其情  
一拘於小不求其大凡夢澤孝友直諒  
一慷慨雋爽憤俗佳時之素輕財好士  
一之風通明幹世之資邁往凌雲之氣  
一知者幾人其莫之敢訾而不能泯滅  
一者文焉止矣悲夫悲夫

國家熙洽之運之所篤生山川英靈幡  
鬱之所秀發上天鄭重產才之意乃  
獨文一王夢澤邪且是文焉者旣以  
礙其修途又以其爲美豈夢澤之



幸哉烏乎使夢澤在翰林不即出出  
矣得壽考其天年必將緼緼涵畜以  
暢鍾鑄黼黻之盛否則精究玄詰述  
一家傳世之言今之此編存者僅僅  
耳又皆斐然應世衝口而出信筆而  
書在夢澤亦自不以爲滿焉者也故  
觀夫夢澤者於文猶有未盡而況其

人乎然徐而讀之則有見於其趣遠  
其味深其音正而不渝其節調而不  
迫具盛唐之冠冕備魏晉之風容妙  
左氏之典刑得騷人之情旨長篇短  
什足垂規範下至書題述慮亦極心  
手宛然之妙蓋獨起乎神魄而別具  
乎肝脾物外之至珍而塵中之嘉瑞



不煩繩削而自有得於天者後人誦  
說亦可想其平生矣夢澤之鉅者昭  
為列星激為雄風往矣不與之俱往  
者將不在是邪況雲澤令望嘉猷章  
於始仕已偉然廊廟之寶酬其兄未  
了之心補其未盡之譽而饗其未全  
之福自有以永夫夢澤者豈直校輯  
其未定之文已哉余於夢澤為後進  
於鄉而雲澤則同寅也感通家之誼  
且重違其請遂不讓而書之

嘉靖壬戌歲孟冬朔

賜進士第中順大夫知淮安府事前禮  
科左給事中應城義河李幼滋序

夢澤集序終



王世貞傳云所應  
刻本以載為不  
一表凡三篇曰述  
宣賦左載其大  
賦而以此表為不  
二表其分勢刻  
本原有越廷賦  
刻以今特刪之  
耳

其未安之文已出於余外夢筆無對狀

其未安之文已出於余外夢筆無對狀

夢澤集卷之一

黃岡王廷陳撰

詩

將進酒

丁福運際昌期歌太平聖無為坐明堂奏咸池酌醴

泉餐靈芝壽萬年天與齊一解縣諫鼓燔刑書微能錄

小過除吏廉明民安居二年耕必有一年之餘絕爭

訟無嗟吁二解新不間舊愚不妬賢人不習佞朝不信

讒蕃害不作和氣充然壯士服疇隴却走馬以糞其

田不聞父哭子道逢多華顛皇心大悅日彈五絃三解



閻闔行

閻闔開賢人庸鳴鼓間擊鑪貢術蓄指微哉同汲清  
亦附滓鮮株稿芟紛以供背叛腹媪逐翁如葦之矢  
十斛弓俄逐而西頃却以東退垂妾侶進喪貞朋捷  
徑窘疎武仁軌罕哉通孰為雌孰為雄朝譽曰堯夕  
詆則躋梟妃鸞蕭艾生蘭叢蒙首以征吾將奚從

煌煌京洛行

辭我故里來遊帝鄉誰云周道險踰羊腸解一車馬如  
雲意氣揚揚昔為奴虜今狎侯王解二伯兄乘軒仲父  
鳴璫唱騶馳道徵歌教坊解三千金買劍百寶為裝風

雷一擊日星迴光

解四朝探俠窟暮宿名倡酣呼六簿

縱賭千場

解五傾財結客隱罪匿亡名齊郭解人比孟

嘗解六

對酒歌

人性稟靜躁物則準方圓錐刀各有能情好各有妍  
陰霽難並祈恩怨難兩全於此雖不容於彼獲所安  
人無億萬身何能徧周旋兼濟聖不贍榮枯有自然  
富而如可求尼父願執鞭

其二

惠施已不作莊生寡所宜伯牙失鍾期抱琴誰為彈



知人誠不易知已良獨難周公輔王室管蔡乃流言  
骨肉且不諒他人固宜然

其三

伊呂稱大賢會合亦有因湯文苟不逢耕釣終其身  
人生一世間如風激纖塵下者投濁潦高者入青雲  
風力中不競飄轉終沉淪得失難預謀謀之徒苦辛  
聖哲皆偶然餘子何足陳

燕歌行二首

來日苦短去日長人生幾何鬢已霜佳辰置酒開我  
堂賓友雜選進樂方繁絲哀竹流清商薄暮移尊向  
曲房挾瑟進者邯鄲倡約袖結腕清歌揚色與心知  
授明璫微風蕩裾聞異香脫簪免髻玄澤光起視池  
中雙鴛鴦雙星皎皎在我傍欲往從之河無梁

其二

出門何易見苦難川原鬱紆路千盤河中鯉魚去不  
還耿耿思君不能言攬衣中夜坐長歎合情怨獨周  
朱顏明月穿帷照孤眠君昔贈我青琅玕我欲碎之  
寄君看欲碎且止聊自寬馳光流景催歲年容色不  
待君可憐恨無羽翼起雲間

白紵辭五首



高堂邃宇施翠帷蘭膏明燭散朱輝二八接武步舒  
遲波服姣麗光陸離彈箏鳴瑟商羽移喜溢歡恣不  
自持轉聆含嬉屬所私索鷦勸君君自知主人既醉  
客不辭燭滅纓絕珠履遺

其二

朝露未晞夜霜寒衆芳凋歇鷓鴣鳴逝者如斯不復  
停人生百年命忽傾爲君秉燭縱遊行三星在戶參  
差明騰觚飛爵何縱橫垂羅映殼耀珠纓衆中不言  
懷隱情色授神馳流目成士女雜坐交和歌河轉參  
橫奈夜何

其三

投君漢濱之玉珮獻君洛浦之明璫感君提携祝壽  
昌舜日堯年樂未央爲君楚舞統袖揚乍開乍合低  
復昂矯若白鵠雲中翔雕楹綺閣迴素光竿瑟會節  
間笙簧樂極悲來起徬徨共指皎日輸肝腸烏白馬  
角誓不忘

其四

吳歛蔡謳調不同衆伶合作如一宮流鄭激楚迴迴  
風娉姿脩態紛追從人聲絲竹各競工燕趙齊秦射  
代供曜靈西藏曲未終繁燈列炬亘筵紅皎如初日



輝簾櫳

其五

娛酒沉歌費白日絕代佳人何可失若戀似矜態非  
一持觴遞進嬌相迫左推右引俠氣溢簪珥墮落寧  
復索文牕未綴開洞房錦衾瑤席施象床五色雜組  
繫流黃複帳中薰百和香層軒曲檻俯回塘鴛鴦鴻  
鵠羅成行生丁盛世福運昌四時為樂允無疆

擬矯志篇

龍虬雖困不資鱗鯁鸞鴛雖孤不匹鶩雛雖有香草  
當戶必除雖有仁人在敵必誅狐白雖美炎暑必置  
舟車之用易地則棄蕙蘭不采無異蓬蒿干將不試  
世比鉛刀以驥捕鼠曾不如狸餓夫獲璧不如得糜  
郭生純臣魯連高士彼乃登臺此則蹈海寧直見伐  
無為曲全寧渴而死不啜盜泉

放歌行

竊鈞者誅竊國者王仁義資亂道豈不滅代秦者  
呂襲楚者黃巍巍國君大盜在傍謂尺何短謂寸  
則長此不可度彼胡可量獸殪罟裂鳥盡弓藏智  
勇既殫軀乃見殃四讒巧為忠直夫稱狂出門異趨  
毀譽局常五樂不可極憂來無方游心冲虛以保壽



康六

雜詠五首

茸茸者離而子踐之彼垣之蔓晨興灌之

其二

兔在麓蹠則逐居則肉

其三

虎嶙嶙欲食人子能棘我能榛虎自災子弧來我戈  
來

其四

鳥毋謂鳥子弋人在傍汝勿啼弋人得知將汝歸我

但高飛起安能救汝為

其五

翁曰留賓姬曰無尊翁曰織絲姬曰無機

知足吟

高門耀金碧不如守蓬廬華穀錯丹朱不如乘蹇驢  
文繡衣太牢雲門享爰居溢恩伏殺機隆禮與禍俱  
禽獸憚為犧人知乃不如

來日大難警變而作

來日大難天命奈何今日為樂焉知其他解遊魚在  
淵其適孔多漁子餌之奄失蒼波解猛虎嚙人咆哮



山阿人懷禍心同室嘯歌解三山險可越玉玷可磨機

事一失尺瀆成河解四祖龍疾走逐者荆軻赫赫武皇

亦有何羅解五嗟嗟不戒愛子操戈釋此弗殲天也則

那解六

擬古龍升天須浮雲

龍升天須浮雲今之仕者別有因察不待孝廉科不

必賢良一旦舉之牛下加之稠人族類鈎連蒙溢恩

乳臭之子被冠簪嗟彼未遇時里中豪士奴役之中

人之家恥婚媾飲宴列之為下賓并日一舉火往往

釜生塵今者銜命歸縣令負弩為先驅郡守伏道左

徒御何逡巡少長咸聚觀稍近遭呵嗔腰繫雙白璧

囊貯萬黃金散金拓第宅朝得西舍暮東隣少年強

攀附有踰骨肉親白首牆東生下帷良已勤短衣不

掩脛出汲行負薪我聞憤憤何能平將欲叩帝而說

陳天門九重河無津

艷歌行

青樓臨廣陌楊柳當牕垂飛來雙白鶴一步一徘徊

解一今日樂相樂置酒臨前池下有菡萏花上有松栢

解二與君初結婚不意當乖違謔言使親疎兩心當

解三自知君為東流水出門不顧歸妾為北辰星終身



無轉移四解君當萬里行妾當守中閨生歸重合歡死

與黃泉期五解

行路難五首

北風蕭蕭雨雪滂辭我親友之朔方中閨少婦走傍  
徨勸君斗酒牽衣裳道路縱橫多虎狼歲暮天寒百  
草黃結髮本期不下堂君獨何為慕他鄉東流之水  
不西歸宛轉蛾眉能幾時人生富貴亦有命辛苦馳  
奔空爾為縱令鼎食有別離賤妾但願共舖糜

其二

磁石引鐵金不連餌可得魚龍不吞蠟戟雖妍不可  
刺明珠雖貴不可殮水中之車何殊陸地之船玉卮  
無當不以注白刃倒持安用鈇手中雖有丈八矛試  
之井底難迴旋雖有輕輿駕良駟途窮日暮安能前  
丈夫雖有磊落才生不逢時終蒿萊

其三

面不同兮心亦殊執一求之君何愚星有好風或好  
雨世人豈得均所圖孔贇詔兮墨非樂遵叱馭兮陽  
回車林中亦有嗜腐鳥海上猶聞逐臭夫此欲前兮  
彼則却彼所吐兮此復舖促席接襟議靡愜異域殊  
疆志或投達人曠視任自然小儒曲士競區區



其四

忠信不獲顯衆人害其上世事風波紛蕩漾變化無  
方何可狀公且金滕功罔刊伏波銅柱師何壯周王  
漢帝豈不明讒言人耳心不諒骨肉天親尚有疑他  
人豈得無遷放生命飄蓬隨所向繁華誰保不凋喪  
何爲坐歎行復嗟鬱陶終日憂譏謗

其五

四坐且莫喧聽我促節歌路難我今四十迫衰殘盛  
年一去何當還昔斥爲遭絳灌怒今來豈受金張憐  
泰山可移志不徙寒燼從知無再然但願長隨擊壤  
民優游鼓腹歌堯年

少年行六首

幽并聞騎射閭里藉輝光朝遊從許史夜宴挾姬姜  
鳴鞭當大道調瑟坐中堂傍人爭借問云是羽林郎

其二

聲蓋少年場名冠壯夫籍行人總憚塵坐賓皆避席  
彈劍恥依人探丸恒借客一朝負罪逋不受追兵迫  
其三

長安本俠窟烈士多英風殺人帝輦側射獸上林中  
金羈及狡兔珠彈落高鴻歸就博徒飲酣歌意難窮



其四

悲歌白日變烈毗秋雲高仇家諒不釋恣吏幸無遭  
全生脫虎口獲死等鴻毛豈效儒冠子終歲濡柔毫

其五

一筵揮萬金徵歌仍調舞白面洛陽童素腕邯鄲女  
希意色斯升含情目相與恣歡餘萬端惟憂竭清醕

其六

應募去幽燕長驅出酒泉樓煩旣已破休屠亦復殘  
恥隸驃騎部豈屑輕車官歸來見天子長纓牽左賢

出自薊北門行

胡匪茹寇朔方信妖師造不祥倏豕突忽鷓張逾回  
中至涇陽蹂稼穡發蓋藏遭者劉奔不遑父失子女  
求孃聲斷絕摧肝腸天爲愁日無光不有辜罹厥殃

一帝赫怒命徂征方召往衛霍行旗旄揚組練明介

馬馳速流星朱爍烈玄顏蒸伏中權效先登人皆奮

身命輕二出鴈門過祈連煎瀚海夷天山絕累重燼

毳毳整三姓磔兩賢谷蠡殪當戶殲斬首虜如刈菅

血釁鼓頭繫鞍膏漬野骨填川檻厥魁凱以旋三捷

書聞不色喜庭臣賀帝曰止嗟我軍寧無死詔扶傷

兼罪已四馬歸山士服田死錄子生與錢戒軍吏勿



開邊羗無過漢不先務休息思保全罷遠戍閉玉關  
韜五戎壽萬年五解

俠客篇

千金飾寶劍四牡耀朱纓東馳突西驚重諾復輕生  
公子執轡請諸侯擁篲迎給秦歸質子要楚出援兵  
按劍復魯地憑軾下齊城匿跡托狗屠濟難賴雞鳴  
報讎爭結交殺人恒借名七國倚安危三輔咸震驚  
詭辭五嶽移側足九鼎傾少年附高義千載流英聲  
安能效豎儒覩事徒撫膺

子夜四時歌一十二首

春歌二首

東風蕩羅裾冶遊步前池柳條亦多情嫋娜學腰肢

其二

初華錦繡舒千林望如一懷春廢機杼綠素難成匹

其三

晝飲夜復宴笙歌綠底忙不是無來日但欲及三陽

夏歌三首

珍簾臥當風四面不施幃郎呼起同遊待儂着綈衣

其二

輕舟蕩雙槳紆轉蓮塘裏君但情蓮花儂貴得蓮子



其三

腕困置扇坐鮮桂苦汗流歡言勿懊惱三伏已將過  
秋歌三首

其二

貪看秋月光夜久不還寢四顧寂無人玉堦有雙影  
日日苦思君紅顏忽成老昔若三春華今如九秋草

其三

共歡種梧桐十載青雲齊百年化雙鳳來此樹上棲  
冬歌三首

與歡隔溪住凝冰周四壑冰上野狐踪歡行勿單薄

其二

白馬雪中馳色混影難覓不知郎去路但見馬行跡  
其三

對雪具清耐強歡再三進歡愛雪舞筵儂恐雪侵鬢  
猛虎行

上山採樵道逢猛虎虎銜樵去置之林下樵告虎言  
君何不仁君得一飽我則殞身昔非有怨今何見嗔  
虎答樵言何哉所云子非我怨我非子嗔皇天賦性  
有此不仁樵告虎言君言雖辯匪我攸聞吾聞天地  
大德曰生騶虞不殺獨匪爾倫虎答樵言當死小虜



其三

腕困置扇坐鮮桂苦汗流歡言勿懊惱三伏已將過

秋歌三首

貪看秋月光夜久不還寢四顧寂無人玉堦有雙影

其二

日日苦思君紅顏忽成老昔若三春華今如九秋草

其三

共歡種梧桐十載青雲齊百年化雙鳳來此樹上棲

冬歌三首

與歡隔溪住凝冰周四壑冰上野狐踪歡行勿憚薄

其二

白馬雪中馳色混影難覓不知郎去路但見馬行跡

其三

對雪具清耐強歡再三進歡愛雪舞筵儂恐雪侵鬢

猛虎行

上山採樵道逢猛虎虎銜樵去置之林下樵告虎言  
君何不仁君得一飽我則殞身昔非有怨今何見嗔  
虎答樵言何哉所云子非我怨我非子嗔皇天賦性  
有此不仁樵告虎言君言雖辯匪我攸聞吾聞天地  
大德曰生騶虞不殺獨匪爾倫虎答樵言當死小虜



亦何多陳三日之食竄伏荆榛辛苦見遭奈何舍君  
樵得虎言仰天大叫哀聲徹雲虫蟻惡死况乎我人  
願收厲氣敷和布春盡今狂獸化為龍麟

遠遊篇四首

湯谷既闔濛汜則榮朝宴未終倏忽至冥逝者不息  
物理相乘願呼松喬躡景上升

其二

徘徊崑丘憇駕曾城遨遊八極徧謁仙靈飲我沆瀣  
玩我芝英俯視下土虫鼠臭腥

其三

手攬羲和頓策徐行歸謁東父遂造紫庭授我神藥  
服食體輕一舉萬里疾如迅霆

其四

逍遙天衢恣意所之手持桂枝駉駕虹霓睇髮朝陽  
濯足咸池昊蒼徧歷懸景未移

君馬黃

君馬黃臣馬蒼蒼者驚黃者良驚馬却良馬前君當  
進臣當旋

妾薄命

春風轉蕙披蘭高臺曲榭中連經堂入奧張筵素筆



趙瑟俱前鳴絃度曲雙妍輕舉統袖襍襍宛若游龍  
翔鸞翠盤金爵闌干呈能角技為歡種種厭射更端  
眼看陽景西馳高張蘭燭承暉車倦馬息不辭但歌  
不醉無歸夜深坐促尊移合襟送意向誰衆中色授  
君知願言並帶雙棲惡聞易別輕離佇立不勝彷徨  
獨宿寤言難忘何以報君明璫起視銀河爛光牛女  
咫尺相望終夜不成報章

戰城南

戰城南困城北縱橫腐肉烏鳶食一將侯萬夫死聖  
人用之非得已國之守在四隣善戰之臣服上刑佳  
兵者不祥器常勝之家道所忌孤人子寡人妻獨人  
父母安忍為銷戈矛滅烽燧戢爾熊羆長不試鴟鴞  
逝鳳凰來與民休息歌康哉

怨詩一章

墮葉春柯斷株懷帶寒霞靚温陰巖希霽顏醜愜玄  
駛潮憎逝令德鮮終良辰忽替

湖上行

麗服出芳郊香車臨綠水留連天桃下宛轉垂楊裏  
妝憐草色鮮坐逐花陰徙相攜拾翠行暫拉聽鶯止  
忽驚玉珮遺時將芳樹倚紛紛遊冶兒側目情無已



鷺鳥四首

鷺鳥化為鳩形換性亦易有時遭故群歛翰自遠遊

其二

石苦則生我多美毒滋多吐矣乃茹苦違欲以療病

其三

鷓鴣運天池斥鷃翔藩籬大小各有適何用相追隨

其四

蓼蟲不徙葵水蟲不遷陸習苦翻避甘能寒豈慕煖

來日大難

瓦鳴霰急柝止宵除門有重扇衣乏複襦秋繫組

臘體無完膚守掾致旨令予殞軀壯心既褫色鮮

敷愉長跪悲乞請賜區區古途阻塞新術崎嶇豈

不是趨林莽鈎裾既鈎我裾載覆我輿覆輿孰視

立輿競扶我覆我扶言返我廬豈無良朋恐及禍

軀六解

怨詩二章

臥龍不起屈蠖難伸舉肥失瘦錄贖遺真馮唐既老

原憲長貧晝無再旦歲乏重春

其二

楊岐泣路墨素悲絲峴焚玉石劍失雄雌翔鷲笑鳳

來日大難  
二章  
五車雜注五首

王處厚高唐  
別本卷二五之  
而以入括遺表  
內淮陽別本明  
列入美中次未道  
已何待擬括至近  
傳未見淮本即  
抑亦本注吳中  
穎州兩別州去  
近傳而校若乃  
兵相本即



毒卉嘲芝誰憐堅白遭此磷緇

彼之蹶矣憤時也

彼之蹶矣子曰烈矣此之仇矣子曰屈矣豈不昭矣  
虞厥虺矣

凶日揭揭士曰丞也劣子不是殄滅謂我士也越匪  
士越矣哀之切矣

紀之荒荒士曰丞也無良子不是匡謂我士也狂匪  
士狂也弗革厥明矣

泄泄在位乃覆用媚業業在位乃覆用懟彼蒼曷誣  
子寧不畏

虎兮狼兮孰與當兮蚊兮蠅兮撲者仍兮予恬不愧  
侈以矜兮

彼之蹶矣五章章六句

雜謠五首

或穴爾庾鄰也遽呼盜悻以逋爾輟逐逐晉鄰也迂

其二

仇願大需烹子以娛豈不子憐忌殞翁軀子烹爾及  
吁嗟乎翁愚

其三

東鄰日擊肥西鄰日舖糜不嫌糜味薄但願常無飢



其四

誰謂炎如火倏忽成死灰誰謂寒如冰流漸逐暄開

其五

東門之鳥本避災魯人祀之以求福彼躬不閱能錫

爾穀

詩以餘力乃覆用始業業在位乃覆用勉勉在位乃覆用

夢澤集卷之二

詩

詠懷三十四首

兩儀立樞要萬事具紀綱智士運機權一童驅百羊  
羽重金或輕尺短寸有長壯夫苟夫據反為豎子傷  
獨爾引六龍織繳連雙鶴操持貴不謬得失詎有常  
始悟制人術豈在多與強

其二

明月至無煤朱草敷庭陰倉卒拔劍前馬昧愁子心  
豈獨閭嘉祥隱禍恐見侵忌廢思不獲負嬰甘棄金



至貴有不欲天屬誠所欲羨疾雖可甘徒使百毒淫  
其三  
昔有亢桑子寄身畏壘居臣妾屏仁知甘與朴桑俱  
三年國大穰歲計誠有餘間并戴其潤謀欲俎豆于  
聞之悵不悻奮起逃空虛豐施不食報道化超黃虞  
季葉驚功利畫孽矜一隅

其四

人生本殊方神範各有宜參錯獲一致妄鑿垂天倪  
鳧脰續則瘁鶴脰截則悲拇駢決則憂指枝嚙則啼  
麴劣不假益羨溢豈俟虧紛彼雙螭子作意相追隨  
智殫乃云置成理身能移

其五

狙捷反見執豹文乃來田鷄鷓舌為災翡翠羽自  
醜惡非可居才美適禍端置身當何所材與不材間  
貴寵安足希庶以盡吾年

其六

天網掩八荒翎走盡其曹大人操利刃揮網使奔逃  
殺獲豈不多貴有疎釋條澤沈鑿已久胥庭狙復遙  
刑書代附益權家紛竭毛毳步置一穿荼苦動見遺  
民窮詐轉出獸窘恣咆哮介者不慕飾胥靡豈憚高



無令自棄民生此全盛樂

其七

儒生峭崖岸抗顏論詩書居折周倫類直方向朋徒  
吐辭厲信義皎日耀天衢外表高潔談腹內蘊穿窬  
命侶發瘞子探口出含珠金椎碎腐頰青青歌應臚  
聖言豈不倖反爲行劫需誦說苟非人階亂豈勝誅

其八

擊鼓以求亡疾馳以逃影驅介以乘高驟蹇以求聘  
揮刃喪其柄振衣失其領趣舍昧良圖存亡在俄頃

其九

軒后謁大隗肅駕登具茨徒御總聖靈中道迷所之  
邂逅襄野童再拜稱天師仲尼大聖人未敢輕小兒  
神智有不通穉齒抱真知咄嗟世路子恥問甘蓄疑  
終身昧太行瞡瞡良足嗤

其十

民食美芻豢鷓鴣甘息陳西子豈不都魚鳥不見親  
萬類殊所嗜物豈慕非倫箕畢各有好况此世上羣  
情欲孰爲正參差何可均黜智任自然悠悠葆天真

其十一

夸名非已有禍患在須臾生命無延期昏旦有不虞



拂衣舍之去矯步升天衢陟降太微堂上帝授靈符  
六氣備朝餐雙蚪結鸞輿消玉饋我漿馮雲構我廬  
聖真進杯觴靈妃奏笙竽三光代列炬四海注一盂  
抗臂抑羲和六龍且徐徐微瞬市朝易日月曷云除  
名漏泰山錄鬼伯無迫驅舉手謝世人安能與爾俱

其十二

里中有一士栖栖蓬戶間動依高士跡居誦先民言  
盜中無斗儲朽上衣無完藜藿并日得續絮豈禦寒  
伏臘祀每廢妻子頽苦艱常恐志節虧不屑親知憐  
入門四壁立顧之絕愁嘆饑食拒嗟來渴飲避貪泉

三 算恒晏如回也稱大賢

其十三

姬旦制冠裳萬古承其貴偶以衣祖徠奔騰裂且棄  
承雲本妙音鱗羽爭辟易魯門鐘鼓聲轉使爰居悸  
物類何續紛人已非一致遑哉尼父言盍各言爾志

其十四

曜靈倏西沒圓景承其輝飄風蕩曾雲零露忽已晞  
急節不可淹大暮焉能違天象會有復嗟哉人命微  
休惕積湯火榮名非我希幸不嬰網羅何用起高飛  
安接浮丘公執手升雲巍玉醴對坐傾瓊華聊可幾



其十五

京洛冶遊子浮湛聲色場青驪服文輿丹組縉羅裳  
翱翔狹邪間順風揚芬芳高堂置廣宴曲榭開間房  
分曹效百戲作使徵名倡良庖膾肥鮮珍饌溢圓方  
朱華忽西逝蘭膏嗣其光客醉賦無歸宵分歌未央  
爲樂自今日千歲固其常安能轉多忌歎息懷虞殃

其十六

甘辭背德義盡言招罪尤效忠主未諒施恩誰見酬  
直道鮮所合險路焉可由民生媚其朋玉石各有儔  
舍此但安坐芳時忽我邁去來固成理乖合非人謀

其十七

灰心置計較遺棄親與讎去適無窮野超世離殷憂  
達士志慷慨貪夫思保全有身則有患消散固其然  
伏波甘馬革莊周快烏鷲用意匪一趣大要歸明賢  
愚者闇桑榆鬱鬱坐自煎思慮損眠食恐懼懷水淵  
感激向賓客劬勩終歲年多圖寡攸成繁辭累其愆  
展轉不獲紆膏根瘼重泉木樛榮一朝日夕用長歎

其十八

河清不可俟川逝誰能止朝露忘太陽夕日愁濛汜  
歌舞化塵埃都邑生荆杞大運厄陽九銷毀固恒理



填海精衛勞逐日夸父死齊景悲牛山晏嬰笑未已  
彭殤孰短長無生悟方始

其十九

梧宮肆詰辯齊楚兵始連弦高犒晉師鄭國賴以全  
齊樂不可犯范昭知有賢誰云制勝術乃在樽俎間  
君子慎幾微禍福基一言覆水各自流事去誠可憐

其二十

疑似不可涉李下與瓜田毋言出婦口雖當未爲賢  
周公功信偉二叔反流言實沈與閔伯日起尋戈鋌  
骨肉尚不免何望他人憐夜玉至無因匹夫按劍前  
鷓鴣據腐鼠仰視哂鸚鵡焉非明君子安能弭禍端  
感彼采苓章勗哉其舍旃

其二十一

處世悵悠悠結交誠草草舳艫濟重淵璣衡測穹昊  
人心懷嶮巇對面施傾倒莊惠亦有疑張陳終莫保  
托身恨已晚知人苦不早揮袂去人羣採芝歷雲島  
其二十二

言笑色雖親致毒乘其昧一旦池周防勺水成湍瀨  
禍亂在須臾何有細不大救視後者鞭蠶蜂思其外  
舟壑竟難恃軒駟何足賴先民亦有言高明鬼所害



慶吊非異門  
驕蹇詎能會

其二十三

元化運天地  
碩輔須英雄  
草昧若無侯  
大業何由隆  
匡時各有人  
如雲附飛龍  
二八贊虞庭  
胥靡翊殷宗  
周公出天屬  
鼓刀應非熊  
爲猷苟切施  
疎賤靡不庸  
下世欣舉肥  
斥異多引同  
豈乏偶儻士  
無媒終固窮

其二十四

僂俛信無當  
躑躅常苦憂  
傷哉世路交  
同源終異流  
執手愛不淺  
轉面起見讎  
傾側忍負欺  
怨毒生綢繆  
彎弓日相向  
乘利來迫遒  
薛公一獲罪  
賓客誰顧留  
炎炎廷尉門  
灰寂令人愁  
胡越使相爲  
安危在一舟  
輕薄市中童  
反復誠獨羞  
煩思發憤懣  
自茲絕交遊

其二十五

日月亘天塗  
照耀各有時  
榮枯若循環  
智巧難控持  
賈生愁遇鵬  
莊周歎爲犧  
糾纏誰不嬰  
文繡焉能辭  
放言用自慰  
虛無誠我欺  
符矢去來間  
北叟迺深知

其二十六

昔聞有遊女  
逍遙翔碧滄  
交甫下請佩  
解贈情亦深  
可遇不可持  
變化愁予心  
影滅珮亦失  
漢廣無由尋  
眇睇絕髮鬢  
徘徊逮夕陰  
青鳥忽來過  
貽我金石音



憂思耿難忘寫意於鳴琴自傷非儔類感激長悲吟  
其二十七

愚公亦非昧智叟未爲得獻疑親友嗔贊說疎爲德  
大人計億代俗士愁日異通蔽鮮一致損益非易測  
其二十八

忽忽行欲暮遑遑復何之征馬立踟躕遠道安可期  
霜霰被原野北風吹我衣孤鴻飛且號虎兕夾林啼  
崎嶇不獲騁徒旅長嘆咨回車亦已晚失路良可嗤  
嗟哉客遊子念此早旋歸  
其二十九

窮達有自然鬼神柄其施安坐值屋恩周旋失所宜  
佩玉乃不兆壓紐襁抱兒上卿屬稚齒郎署淹厖眉  
巧宦目馬安斯言恐亦非豈無多智人往往困蒿藜  
其三十

蟬蛻不知夕楚楚矜衣裳人生若塵霧亂茲立傍徨  
世事沓而至心力苦不遑運往悵莫追憂來嘆無方  
智巧雖百出得失亦相當少壯與時逝精神自彫喪  
逼此悔恨生稅駕名利場按謀訪芝草天路期翱翔  
列仙非我儔瑤水遶無航俱置勿多畏恬澹安其常  
其三十一



中歲獨玩世蕩志娛絃歌嬖變思一顧輕薄日來過  
妙舞進北里姿媚趨佚邪資用每不贍謗議橫相加  
茲年忽醜老僇弱悟已多昔人重知非慨嘆今如何  
深身祛垢氛考室瀟灑何事不即但謝庶得附龍蛇

其三十二

茲歲忽云暮駕言出城闕楊林霧白日岡岑蔽玄雲  
荒原離獸馳寒鳥鳴索羣上有百尺臺下有千古墳  
登高一騁望恩我平生親延佇久不至俛仰懷酸辛  
萬物靡不化千載猶茲辰驅馬復來旋詠歌聊飲醇

其三十三

猗與雄傑士猛氣蓋八埏出身赴國難受命不遑安  
左臂引烏號右手提龍泉臨敵試一呼萬夫却走還  
先聲四海沸壁壘俱破殘旄頭化石隕天吳蟄重淵  
西北淨胡塵東南蕩蠻煙茅土非所希貴使威靈全  
長揖返故廬功高何足言

其三十四

至人處斯世忌爲人所知十漿五先饋列子驚且疑  
避竈不足貴爭席乃庶幾大白每近辱卑濁良可棲  
豈效夸毗子作意矜容儀結束轉自媚恣態令人悲  
緜塗飾軒轅步趨陳采齊危冠禮迂士褒貶厲嚴辭



媮媮不敢干矯志逃世譏皎潔難久居青蠅忽來隨  
裏美孰云亮毀譽在一時敗軌屢相縈遭躑當路岐

壯士篇

少年學劍術英風聞九州慷慨出門去辭家將遠遊  
遠遊欲何之炎荒爲我仇昨聞遣飛將召募何時休  
國威有不揚無乃壯士羞奮矛如迅湍拔距踰亭樓  
猛氣伏羆虎騰躍捷獼猴置身百戰場妻子不顧留  
性命良足憐聊以紓主憂揮戈盪蠻煙飲馬江漢流  
餘勇萬人賈雄傑無匹儔功成獻明庭賜爵位通侯

遣興三首

八方異風土百里殊陰晴夷夏殆天設終古難合并  
權家但好勝持議垂羣情孤軍病深入問罪慮無名  
客主旣不如師老功難成常恐強弩末遂令小國輕  
安得長者言立談罷交兵皇惠均萬物各各遂其生

其二

南裔雖一區嶮阻紛可憑民居寄巖谷霧雨常晝冥  
妻子像蛇虺魑魅冒人形沙虫潛射影觸之喪其生  
古來稱絕域何足煩天兵吾聞王者師無戰唯有征  
一卒不備歸良已虜威靈地於東南缺天乃西北傾  
二儀有不足并包人豈能



其三

高宗伐鬼方三年乃能克不聞徐方來允在王猷塞  
耀武與脩文收效孰爲得試看古戰場春雨生荆棘  
眺江閣述感

偶遺丘中步來眺江上閣樹裏呂王城草邊邾子郭  
遺官隱莫尋往牒恍難托春深苦竹滋秋高白楊落  
故堞啼早鴉野田噪暮雀頗爲樵牧資烏兔狐鼠虐  
雍門哀有餘九原何可作

雜詩九首

締絡寒不求纒絮暑不御當其不切施棄置若弗顧  
時節忽復及效用乃如故冥運不無代物理豈常過  
功成互見奪乘時各有驚嗟哉團扇怨歌良已誤

其二

手持一杯水覆地東西流榮悴有自然萬卉同一秋  
翩翩者誰子作色矜遨遊朝見馳華軒日暮歸山丘  
憂來不可知爲慮何能周貪夫昧成理磬折將焉求  
天命無改施智巧誠足羞

其三

日月競馳邁一夕復一朝臨鏡失故吾壯心潛已消  
聖朝棄賤士九牛亡一毛豈不希末榮所苦術不饒



無能令身貴何爲使心勞莊生誠我師太鵬寓逍遙  
其四

獨處忽不樂理棹凌洪波巨石何澆濤魚龍駭經過  
舍舟復安適改軌登山阿木魅號夕風猿猱一何多  
禽虫饒怪形林谷聲相摩失路積憤懣逝景忽蹉跎  
雲中可遊遨乏翼將如何

其五

漢臯有遊女揮袖凌風翔俯身拾翠羽舉步振雙璜  
芳華耀朝日皓質凝秋霜嫣然惑陽城婉孌切中腸  
將來恍惚旋何由置蘭房徒倚通精誠青鳥逝我傍

揚聲致殷勤再爲申禮防徘徊湍瀨間綺麗不能忘  
其六

無得亦無失喜來憂患乘崇高帶傾覆陳根吐鮮莢  
反覆開存亡臭腐合精靈如何聲利徒僂俛趨譽名  
季子竟車裂累印何足榮李公具五刑悔令遊說成  
賈主愆自招上書誰爲明萬事有不虞逍遙可長生  
其七

芳春驟青驪遨遊楚江濱道旁若堂封云是呂王墳  
衢路化陌阡臺館盡燒焚陰風嘯寒鷗古隧翔孤羣  
牛羊牧其巔凌藉日繽紛生存華屋居嬪妾從如雲



一朝寢重泉貴賤何由分  
龐公困隴畝耕稼良已勤  
誰知千載後史冊播餘芬

其八

中園種桃李不言下成蹊  
凝霜被原野零落愁安歸  
盛年有銷鑠窮達在一時  
便嬛途路子俯仰乍榮輝  
夸名何足賴怨毒常苦滋  
靈龜歎在塗雄雞憚為犧  
膏火忌自煎斯言誠可悲

其九

羲和馭六龍馳光耀萬里  
一潛濛汜間沉淪不自理  
楚宮在昔時繁華照江水  
歌鐘日夕聞聞榭屯羅綺  
運徂謀亦屈巍構積傾圯  
當畫狐兔翔洞房生荆杞  
朝雲不可招逝者誰能止  
流觀天地間庶悟達生旨

別張子言四首

我友駕言邁去去之朔方  
晨起趣中廚爲我具酒漿  
長別在須臾且願盡杯觴  
昔爲骨肉親比翼雲中翔  
今當永乖違邈若參與商  
出門異鄉縣居世如朝霜  
世途轉傾側良會安可常  
羸馬感人情哀鳴衢路傍  
悲風振喬林瑟瑟傷肝腸  
執手不能辭淚下霑衣裳  
恨無凌風翰送子還故鄉

其二



故鄉豈不思臨發中徘徊借問欲誰須重與心知違  
山海高且深見面未有期有懷今不盡相思亦何爲  
豈無絃歌曲調促令心悲立語未及終白日奄忽移  
安得魯陽戈揮景使東馳

其三

馳景不少待客子何可留相送不覺遠行行至河洲  
甲有雙黃鵠飛鳴諧匹儔驚風揚洪波散失馬能求  
雌雄相背飛影響日以適鳧鶩豈不多嗟哉非我仇  
願言樹萱草以解心煩憂

其四

煩憂動我神悲歌仍躑躅鬱鬱道傍柳垂蔭昔何綠  
嚴霜日夜零枝葉不復屬四時相推斥變化一何速  
俗子驚聲華世儒矜結束立身多所乖年命傷局促  
子其愛景光抱道在白屋

別張子魚三首

斷蓬隨天風飄轉雲中遊豈不戀本根一失非我由  
矯矯雙鴻鵠高飛命其儔孤子隱側目橫絕焉可圖  
托身貴得士安卑義所尤之子遠行邁棄我不顧留  
思欲並子濟漢廣無方舟

其二



鳴鹿在中野獲草求其羣  
嗟哉昔所歡一散如飈塵  
虞卿棄相印擔簦狗情親  
悔吝不自惜義聲流千春  
此道息已久遺響誰爲申  
子其懷璵璠慰我多苦辛

其三

霖雨積旬朔羲和光不垂  
荆棘被廣野潢潦生中逵  
客子阻遐征太息當路岐  
策馬從子去駑駘馬可齊  
君羽等飛鸞我質類栖雞  
同袍異羽質去留長此辭

閨情二首

種木期息陰結交期得心  
與君初婚時安坐調瑟琴  
繫我大秦珠貽我玳瑁簪  
攜手同車遊徘徊步春林

俯拾並帶華仰聽和鳴禽  
折芳交贈持言誓一何深  
寧期被讒妬棄我忽如沉  
曠歲不一接塵埃生錦衾  
明月入空帷中夜坐悲吟  
發篋理故物淚下誰能禁  
故物猶光彩故心人安在  
嗚知恩愛移不俟顏色改

其二

端坐結憂鬱道遠出中國  
丹雘榮青陽林流泉激清池  
孤鳥西南征遺我嗚聲悲  
攬衣起相從迅影不得追  
踟躕立庭隅日送浮雲晚  
雲馳風為驅風返雲亦歸  
君恩中道還慰我恒渴飲

別曹仲禮四首



與君一為別，別後遊不停。奄忽二十載，親串日以零。  
短者已物化，存者非壯齡。况復異鄉縣，散處如晨星。  
但言長相思，豈意今合分。顏鬢各已改，不易惟茲情。  
孤鴻號朔風，黃鳥聲嚶嚶。飛鳥無僑匹，况乃稱友生。

其二

別子大河側，見子長江濱。對面但疑嘆，合意慘莫陳。  
豈無新知歡，念此同袍人。拔留不須臾，義陽忽以淪。  
奮身思繫日，天路邈無因。安能附高翮，一舉摩青旻。  
飽者豈念饑，貴者羞賤貧。薄終古所尤，交誼貴在伸。  
故心苟不移，何必會合頻。慷慨卽長路，無為兒女仁。

其三

中夜起相送，白露塗我襟。低頭惜分手，舉頭傷辰參。  
斗酒良不薄，對之不能斟。唧唧草間蟲，助我揚悲吟。  
為君拭綠綺，彈作清商音。物理關人情，淚下不可禁。  
谷風刺小怨，孔公贊同心。延陵輕寶劍，高義垂至今。  
親交信不薄，先民良可欽。

其四

冷冷山下澗，童童山上松。磊磊澗中石，瑟瑟松上風。  
波逝石不俱，巖奔松莫從。物理理相倚，藉動息難可同。  
與君遊宛洛，矯若雙飛龍。中道悵相失，末路欣此逢。



既逢不須更去復當歲冬霜霰集衝輓虎豹啼林叢  
子其慎桑榆勞謙以令終

園亭言懷

駿死骨誰市象焚齒自累棄直悲團扇齟齬嘆方枘  
恥隨荆橘化樂與魏勞棄素無金張援馬取丘園賁  
農圃衍世業桑麻綜歲計實飽三士桃芳引八公桂  
春原露未晞秋臯霜已被偶緣物態感遂與神理契  
畧度無能淹金石亦善敝願言齊得喪庶以紓勞瘁

歲暮雜興十首

年往志亦減譽來毀乃加遂初困無悶善後生  
永年慕樗櫟存身悟龍蛇大隱但城市嘉遜豈烟霞  
其二

孔公深贊護賈生虛忌鵬屈伸在一時憂喜本同城  
河清豈能俟途窮安足哭久息漢陰機莫問成都卜  
其三

一斥壯齡改相知白首疎干時計轉拙好客資苦無  
飯牛當落日牧豕入平墟行年忽老醜何意逐名譽  
其四

人情皆喜新世路惟嘉壯鵠寵遠見珍薪積後居上  
前魚龍陽悲遺簪少原悵盛年亦有移溢恩何可仗



其五

寡欲處易安抗行俗難合巢林祗一枝繞樹猶三匝  
竟日伯陽書經年幼安榻閉門客座空啓徑朋簪盍

其六

昔惟樂遊行今已識耕耨連畛東陵瓜一頃南山豆  
坐文林壑暝歸晚妻孥候倚樹見墟煙就枕聞山溜

其七

日月處無恒俛仰情非一蟠泥乏龍德悅草愧羊質  
周周尚慮危鷄鷄猶慕匹紛紛馳突子何不虞顛躓

其八

偏才互短長名家殊去取連城償燕石千金享弊帚  
不識東家聖翻謂西施醜定價豈目前知已俟身後

其九

讒毀行見迫愁思坐不開含垢長者仁懷璧匹夫災  
在鳥愧能言處木耳不材終謝金籠閉幸免匠石猜

其十

景曜一何速志業百未酬所願則學孔吾衰不夢周  
智愚各有管貴賤孰無憂松子久我欺萱草為誰求

注孫述傳三事  
王宣烈本此係尚  
有丹至張子五百  
序唐序二首詠  
林臣一首奉馬王  
首序松園作一首



其行今已識新舊遠吟東陵瓜一頃南山豆  
其對論言表木在木林絲樹金籊樹華與樹  
新理許良庶慈思坐不開合試身昔以對楚西夫以  
日月其此  
不滿東家望階階西  
不木豆缺身各案終去  
不木豆缺身各案終去

夢澤集卷之三

詩

送倫子畢娶歸

君不見倫氏之子才絕倫少小屬文如有神風雲獨  
奮九萬里身世初經二十春獻賦朝趨北闕下上書  
暮歸南海濱誰知弱冠親迎客已作君王侍從臣珠  
明玉潤元相媚苑柳宮花春自醉霄漢翻為真鴈行  
鄉間競訝乘龍至烏鵲橋邊問石年鳳凰樓上吹簫  
地富貝婚姻慶非小文采風流古來少花燭初從華  
館張爐烟屢夢清班繞當朝爾是歲星規避世還來



金馬門他年割炙飯諸日方朔重沾漢主恩

發裕州短歌

黠卒前來意氣雄當塔縛我囚車中颯颯驚風動地  
至城捲赤霧摧并楓城中之人走相視城外蕭蕭嘶  
曉轡道上殘楊掃凍帷過鴈鳴蟬雙迸淚人生作吏  
何太苦囊無一錢身被虜可憐妻子盡畏途南征白  
晝愁豺虎古來玉石怨俱焚骯髒安能就珪組

聞子言消息因作短歌寄贈

憶昔江楓赤葉下含悽別子城之隅買舸遙尋沔陽  
守張燈夜宴郎官湖宴罷迢迢歷鄉縣行邊宛轉隨  
游行過境能令車馬迎歸途翻爲鶯花戀大梁才子  
更相留平臺大雪揮金甌囊裏贈金快意盡聞君累  
月醉青樓春生始渡黃河岸入門妻子親爲爨壁上  
龍泉今在無因歌長夜何時旦楚客相思不記年尺  
書無復到南天江馬故人祿苦薄寂寞誰當送酒錢  
江上忽逢燕地客停杯問訊悲今昔丈夫不仕空有  
才世人誰識文章伯况子丹房已屬人茅茨低小莫  
容身堂前燕雀俱飛去洞口靈芝祇自春

胡生行

廣陵胡生少且孤十五已作奔竄徒踪跡彷彿不可



詰向人長跪乞爲奴苦遭惡少相窘迫飲令行酒乘  
前驅片語不投怒詈起鞭笞竟百響無膚季布髡鉗  
不辭辱范睢折指仍見拘夜半辭奴鮮其縛生也遂  
得踰垣逋頃來江上始一見造次能將書自薦畏途  
倚藉卽交親杯酒酣歌忘貧賤乍喜仍愁若病狂忌  
言往事慚頽面從來龍性不可馴須知豹采終當變  
三年展轉客浹川浹川人士盡相憐卓家文君正新  
寡琴中疊奏求凰篇共羨名姝諧賦客俄驚碧海變  
桑田恩情中路忽棄怕白頭之吟誰爲傳泛梗飄飄  
貧別浦浮雲冉冉向遙天人言胡生太不才我獨念  
之增悲哀男兒失意無醜好高名自古爲身災故將  
疎放取嘲笑吁嗟俗議真愚哉

憶昔行寄張龍湖內翰

憶昔赤壁張華筵與君共醉長江邊白鳥飛隨金馬  
客蒼苔坐嘯赤墀賢豈知雲雨歎不延尊前紅日墮  
山川予逐白雲歸楚澤君隨明月上青天天中謁  
聖人獻納爲近臣烏連石室羞前史方朔金門見後  
身鸚鵡州邊忽分手鳳凰池上類回首但使同心各  
一方何須對面銜杯酒俱稱風客異升沈臨風三五  
白頭吟相如未逢楊得意成坐誰當奏上林



楚岸吟寄李季

楚岸長楊垂至地，百鳥啼春自醉晴。綠鳥得墮碧  
空風光頗爲遊人妬，我家黃子國若住郭三。六江  
東下雲霞接滔滔，應渴故人情憶初。同領南宮宴白  
馬，青袍花映面。本期霄漢並翱翔，寧知世路多更變。  
我歸十年前，前君歸十年後。榮華顛倒若夢中，人情翻  
覆無不有。安能顧墮醜，自今心不開。陰巖積古雪白  
日，何當來我將振衣。從子遊請君酒，掃鸚鵡洲遲日  
經行。桃竹杖烟波搖漾，木蘭舟須令漢水變春酒。更  
遣大別爲糟丘，蛟龍自吟鶴自舞。仙人鉄笛沈高樓  
留連坐待明月上，翠娥勸飲來沙頭。竹林諸賢真瑣  
瑣，高陽酒徒安足儔。吁嗟此會難，即得使我悵望無  
時休。君不見楚宮寂寞臺殿荒，歲歲東風開野棠。三  
閭顛顛行吟處，千古猶傳杜若香。丈夫眼底安足計  
君行采采莫相忘。

寄曹仲禮

吁嗟梁甫吟，何如白日黯。慘浮雲迴繁華，忽與東風  
別。幽壑不見陽春來，憶初謁帝承明廬。頗將詞賦追  
相如意氣，當時惟爾我文章。絕代互吹壺正逢漢武  
勒邊畧，同奏文園諫獵書。杞國憂天傾傍人，笑爲狂



精衛枉銜沙何裨海茫茫雷雨晦冥起倉卒散失非  
我能周防寧知垂翅青天後虞羅獵矢猶滂徨予仍  
下獄大梁城謗議雷同真吠聲全生虎口信不易一  
死鴻毛良可輕摧眉覲面復苟活踟天躋地長悲鳴  
前榮後枯嗟世事翻雲覆雨見人情昔日結交二三  
子張口欲言禍及矣請兵誰為哭秦庭擊筑何曾歌  
易水感君山嶽心不移張公神劔合有時矯首南天  
瞻北極聊特芳草寄相思

張公行

張公一生豪俠徒作吏風塵性氣麓千金快意買歌  
笑禮法區區安足拘傾心倒意向賓客椎牛置酒恣  
歡呼忽傳姓字坐沙汰歌曲未竟門客逋昔時請謁  
為親者倉卒化為秦與胡已經十日伏草莽欲去不  
得仍躊躇我聞拔劍為子起仰天疾視情無愉世間  
萬事盡雲態白衣蒼狗在斯須神魚處陸困螻蟻鷲  
鳥翻身避獵弧李廣有時燕醉射魏其何能庇灌夫  
古來豪貴有顛倒張公張公莫嘆吁

寄嘲江子

江生突兀揚文風千奇萬怪難與窮博物豈惟精爾  
雅識字何止過楊雄古心已出丘索上邃旨或與神



明通求深索隱苦不置一言忌使流俗同令弟大篆  
逼鐘鼎絕藝取作斯邕等生也爲文遣弟書一出皆  
稱二難並縱有楚史不可讀滿堂觀者徒張目少年  
往往致譏評生也不言但捫腹君不見好醜從來安  
可期豪傑有時翻自疑伯牙竟爲知音惜卞氏能無  
抱璞悲請君寶此無易轍聖人復起當相知

東湖書院歌

東湖之岸雲樹林仙人樓閣長陰陰秋濤春漲巖洞  
泝風宵雨晝蛟龍吟久從斑竹聆湘瑟更向蒼梧訪  
舜琴蒼梧一去三千里明公突兀高門起富貴天涯

重首丘歲時堂下悲流水疊疊尋源苦不置悠悠注  
海情無已故渚今池宛相似卜築題名總爲此此地  
移家幾十秋風光如在楚江頭誰云信美非吾土委  
心大觀皆虛舟已成新第象桑梓更營別墅依汀洲  
神臯奧區表靈異迴溪復嶂圍深幽花竹豈徒恣蕭  
散宮墻直欲備藏脩諸生四方遠親就羣書萬卷紛  
校讎縣鐘待叩有餘響提刀迎解無全牛橫經獨擁  
臯比坐乘輿時披鶴氅遊達者升堂許游夏愛客掃  
徑延羊求一丘一壑豈足繫時止時行不自由懸車  
欲臥弓旌迫鳴騶已出亭臺留千年科斗守篋笥四



時猿鶴司松楸只今霄漢夢江灘覺來枕簟失風湍  
山中悵憶八公桂澤畔空懷九畹蘭四海蒼生未肯  
釋何日東山歸謝安

豪士吟贈王氏

君家高樓臨漢水落日悲風白雲起門垂楊柳千萬  
枿長條直拂洪波裏我來繫舟古楊下秋深岸束蒹  
葭靡此時歸思正鬱陶偶爾逢君行且止邀我置酒  
開綺筵庖子擊肥兼割鮮海榴新擘寶房碎湘橘旋  
摘金子圓翠袖成行獻歌舞授色知心次第前堂中  
食客多且賢寶刀錦帶光接聯持觴遞進勸我酒四

座爲壽俱萬年平原十日飲未足白首酣歌凌紫煙  
自矜膂力莫與伍俠氣翩翩尤擅武角弓十斛左右  
張蛇矛丈八盤旋舞櫪上生駒六駿姿猛士如林不  
敢騎控鬣鳴鞭一躍上疾馳緩步衆稱宜男兒身手  
有如此壯節奇功皆可爲君不見道阻天寒行旅苦  
水有毒蛟山有虎請君殺蛟兼射虎惡少紛紛安足  
數

觀秋江晚渡圖歌

大梁五月成淹留披圖忽憶瀟湘遊眼底蕭條動秋  
色誰驅楚澤來中洲烟霞掩映蒹葭茂郭鳥鷓點綴清



虛閣敗葦荒蒲豈雪霜崩崖坼岸迷立壑岫口黃花  
幾歲開楓頭赤葉何年落數舸依依古渡邊細聽那  
聞呼渡傳風帆浪楫兩不動中流竟日空盤旋晝短  
天寒洞庭闊幾時可到蒼梧巔松根一叟長筇踞  
色沙光自猶豫蛟龍夜蹴濤如山公無渡河且歸去  
我家住在江之濱十年落魄厭京塵蓬海內渾無  
定沮溺嫌予數問津對此躊躇心目斷立也東西南  
北人

醉贈李道士西歸

尋師初到赤松家愛客聊停白鹿車皓首龐眉並園  
綺向予歷歷道生涯早入匡廬尋五老晚從嵩少採  
三花花下開尊玉液濃尊前拂檻紫芝重雲裏碧簫  
呼彩鳳洞中丹竈護蒼龍蒼龍彩鳳相摧促欲上空  
虛謝塵俗細懷紫氣沒流沙便訪青牛度函谷函谷  
迢迢萬古存伯陽一去幾朝昏到日如逢關令尹仍  
留道德五千言







隱几春星擁焚香暗霧留窺人愛雙鶴對爾蕭清修  
駕出

皇帝春正及行天羽衛攢百靈迎萬乘夾轂候千官  
後騎迴丹墀前旌駐璧壇佇瞻馳道上佳氣逐鳴鑾

大祀

香殿裊真籙益鈞天九玄開帝臨趨袞冕神至各風雲  
肅肅宮壇啓依仿黍稷芬甘泉稱時頌吾已愧雄文

駕幸南海子

南郊初禮帝上苑復誇胡虎兕先聲伏車徒翼輦趨  
西郊一面部曲用三驅侍從羣臣在應知諫獵無

駕入

鏡音傳晚甸芝火動春城一路青陽送千門紫氣迎  
龍鸞迴國步星月扈天行大內通宵入祥煙達旦生  
慶成宴

園丘大禮協聖酒百官傳霄漢流仙樂風花捧御筵  
尊留春殿月佩委夕墀煙不數汾遊日貞同鑄宴年  
八厓周子邀飲未赴聊此謝過乘索觀群公席  
上之作

不赴仙堂宴幽期隔綵雲祗緣憐數會翻遣惜離群  
地邇騷壇接天迴劔氣分風來度香草佳句許相聞



送周侍御按貴州

近憐庾柱史持節向遙天  
霄漢花驄出江湖錦纜牽  
鬱盤千棧閣浩蕩百蠻烟  
春盡南征日衣冠覺爾賢  
送夏大行奉哀詔使南紀

我亦天涯客看君萬里行  
浮湘遷史跡喻蜀馬卿情  
雲氣蒼梧野楓林白帝城  
壯遊茲不忝海內早知名

寄兄

吾家雙玉樹何事自西東  
鴈塔雲霄上鶴原江海中  
趨庭萊子綵旅食薊門蓬  
祗益憐毛質飛騰萬里同  
寄雞鳴寺真上人

張憶遠師室留人一榻深  
雲霞淹佛日花鳥散禪林  
閣俯春城麗軒留晚岫陰  
煩君招白杜於此謝冠簪  
郭外卽事

病臥閉門久占晴起看花  
城行紆霧堞草坐藉煙沙  
縮騎蘿風合停鶯竹日斜  
芳菲愁卽歇留賞滯生涯  
紀聞

禁城馳道接行殿獵原侵  
布騎圍熊館鳴弦合羽林  
似聞驅猛獸已見失前禽  
泰殄哀天物仁哉祝網心  
贈人

南塘偶倘士薄宦向西陲  
石竹臨江映春雲抱峽流



徘徊去國日浩蕩望鄉愁莫厭早棲地三巴足壯遊  
送劉振廷令慈利

別離古有調送爾一長吁遠下荆門鷁雙飛漢殿鳧  
鳴琴依石篠岸幘眺春湖暇日煙花興風流陶令俱  
劉氏雙挽

日月仙丘闕風流古調更尚餘松栢氣無復鳳蕭聲  
龍劍人間覓魚軒地下迎庭堦有玉樹應慰九原情  
送李子中養病歸

省署辭京邑庭闈指大梁經年違鯉對即日謝鷓行  
採藥春蒿少繁蘿舊草堂君無戀脩竹人擬獻長楊  
其二

游矚傷人事興衰感世情猶傳授簡叟無復抱關生  
客散梁王苑人耕宋帝城行多懷古詠一一寄回聲  
寄夏大行

銅柱標南紀荆門控百蠻詔從霄漢下槎過斗牛間  
江山迴黯慘谿洞鬱躋攀預想趨朝日應多邊徼顏  
慰馬子足疾

漢帝羣臣侍居然司馬賢那能多病後不廢子虛篇  
鳳鳥人爭覽雲霄翼可憐千金善自保清廟待朱絃  
世其席上錢大復先生



夫子關西去，扳留我輩情。  
風燈破暝色，月杵助秋聲。  
去住天涯淚，文章海內名。  
從今輟侍從，霄漢望金莖。  
過廖子故宅

庭樹留尊處，空餘覆苑雲。  
馴堦舊鳥雀，落日噪紛紛。  
琴罷廣陵散，匣遺封禪文。  
悲風立馬際，隣笛不堪聞。  
遊仁壽寺

鷲嶺迴孤塔，祇林鬱近城。  
幽人耽寂樂，秋日偶經行。  
巖閣繁蘿細，溪庭抱竹晴。  
欣然坐禪榻，聊以憇塵纓。  
九日登仁壽寺後山

九日攜朋出花宮，背郭開藉蘭坐香岫。  
捫棘臨高臺，鴈渺川雲斷。  
林孤甸色迴，悲秋亦楚客。  
作賦豈吾才，夜坐鄭子宅。  
彈琴分韻得琴字

言訪少谷子，呼童攜素琴。  
為發絲桐趣，俱諧山水心。  
徑轉松篁密，堂虛風月侵。  
再彈吾不惜，此地有知音。  
寄八厓子

寄顏許州

吾友二三輩，無如回也賢。  
慚非清廟曲，得藉朱絲絃。  
豈乏雙魚至，寧慳尺素傳。  
離群今已久，望子數予愆。



送龍廷重為榮府長史

榮國今宗國君材實楚材周家親魯衛梁苑重鄒枚  
杖屨丘園接琴書殿閣開天邊倦鳥飛霜雪早歸來  
其二

未謝金門籍先諧靜者私桃源春泛穩桂苑月遊遲  
洞口漁人艇花間帝子卮茲行有詞賦不必吊湘纍  
得周侍御子賢書喜作二首

自爾乘驄出今予愴別離經年一書札萬里轉相思  
天隔西南域秋憐鷹隼姿霜空望擊搏莫使羽毛垂  
其二

去歲吾鄉友追陪良可歡月吟耽夕檻花宴簇春欄  
豈意垂雲雨翻令隔羽翰獨憐松檜色青翠耐天寒  
雪東曹子

君本建安子來遊京兆天時聞郢中曲共憶剡溪船  
庭篠瑱猶白檻蘿春欲烟何當載酒過一問子雲玄  
贈方子二首

近接棠陵子昂藏野鶴姿跡留青鎮地聲徹白雲司  
竟阻江湖去翻嗟燕雀欺烟霄當奮起歸覓舊樓枝  
其二

鄰並復同調過逢數舉杯謝公興不淺莊鳥吟何哀



霞日赤城曉雪濤滄海迴何當共舟去攜客訪蓬萊  
立春

春旭自堪憐春愁旅病偏暄迴沙甸雪潤合柳城烟  
坐憶江臯上行知草樹鮮淹留慨時序盤菜不須傳  
天津月夜偕曹子舟坐

繫月舟航偶臨流鼓吹哀星檣扶岸出霜葉灑汀迴  
鵲起南天迥龍吟北海開淹留候明發共爾一登臺  
河西務別許子居

留滯金門客追陪盡省郎開筵迴浦淑倚檻出帆檣  
琴動幽蘭操詩傳伐木章風塵連解纜天地一沾裳

晚泊訪李仲玉

宵泛事幽尋危巖倒月侵石門面蒼渚桂楫倚丹林  
風竹和龍笛冰絃藉鳳琴酒闌各分手天漢忽橫參  
臨清舟次別曹子三首

憶昔同嚴譴隨君下瑣闥龍蛇寒自逝鷓鴣晚分飛  
棹戛城氛渺檣翻浪月微轉令岐路淚暗滿逐臣衣  
其二

對酒話今昔茫然來遠陰逆鱗批不死回首感何深  
此地一分手他鄉長別心所期持壯節無復計升沈  
其三



寡合時應棄多憂日不勝漢京瞻比日周道履如冰  
顧已無長策徒然負直繩畏途各自愛舊署望同升  
李沔陽自大梁經裕州因贈三首

雪夜梁王宴霜秋宋玉愁回瞻嵩嶽峙去逐楚江流  
少室三花樹滄浪一葉舟南行正搖落知爾憶林丘  
其二

湖水廻城郭風流暇日多宵追李白泛時聽越人歌  
伐鼓驚鷗鷺揚撓拂芰荷須君爲地主獨舸杪秋過  
其三

愛汝今山簡爲邦復水鄉幽懷寄魚鳥儉德續羔羊  
憑几煙霞潤塞帷蘭杜香誰知詞客興不下大夫堂  
齋中卽事

候吏經旬少深秋百感生蒼苔侵竹戶白口下楓城  
鼓瑟焚香坐窺園散髮行天邊暮鴻鴈故傍客愁鳴  
被逮道中別舅氏歸

殊方秋更苦失路暫相將身世悲江夏軒車感渭陽  
勿傳三木慘驟使二親傷會有生還日心無愧彼蒼  
被逮發裕州夜作呈諸公

空館秋偏寂窮途旅易哀砌虫迎夕動塞鴈預寒來  
肱已經三折腸應倍九回願逢吹律者坐使積陰開



懷故園書屋往年同伯兄講業其中

北遊深歲月南望阻關河尚想雙龍臥翻驚獨鴈過  
夢勞扳徑栢春擬葺垣蘿回首藏脩地浮名奈爾何  
有感二首

多難已如此良朋今是誰傍觀紛竊笑對泣一空悲  
虎口幾不免人心安可知古文難獲覩三復谷風詩

其二

平生矜結客一旦失交親掉臂不我顧開心欲誰陳  
轉見彎弓者那聞擊筑人翻思古游俠高義亦嶙峋  
出繫侯放久未獲命煎鬱成詩

待罪形將影言歸去復留悲風憐代馬喘月愧吳牛  
畫地心猶憚呼天淚莫收強顏稱不辱俛首欲何求  
出獄董氏宅夜飲書懷兼贈董氏兄弟

多難心逾壯高情宴獨逢風篁迷晚徑煙草暗春池  
射虎還疑石鷲鳥尚繞枝綠君念兄弟把誦鶴鴿詩  
出獄後歸興二首

幸爾網能漏依然劔尚埋側身向天地壯志委塵埃  
覆水今無及懷沙古有哀回思刀筆吏疑懼轉難裁

其二

孤憤辭梁獄高歌望楚鄉烟花春沔鄂樓閣畫瀟湘



吊古懷增慨尋仙事頗荒何如共漁父一笑詠滄浪  
同子言南歸道中賦竹桃二物

舊潛湘浦岸兼慕武陵源獨造非無興成蹊本不言  
七賢應共逸三士竟何寬物態依行色羈栖想故園

道中憇廢寺三首

徙倚前朝寺依棲舊法筵狐狸啼白晝龍象泣諸天  
寶樹縈蛛網蝸涎繡石蓮給園猶寂寞岐路倍堪憐

其二

解綬辭塵網停車理石筵金花何地布寶月幾時圓  
殿古蒼苔積臺空紫蔓縣那知歸淨土煩惱障無邊

其三

寶地元虛寂金仙介杳冥空林沈紫翠畫壁落丹青  
羈旅暫投跡殘僧一啓扁迷方隨處是合意訊山靈

送人

楚地惜分手春風悵別顏王孫草新綠帝子竹餘斑  
于主攜書去期君揚策還男兒有如此應不滯鄉關

江上言懷四首

野闊風雲入天迴楚蜀通渚禽多白鷺巖樹半青楓  
哀怨湘君曲平波夏后功晚來懷古意極目送冥鴻

其二



岸東濤聲急軒窗野色重山懸神女兩江進楚王風  
舟楫爭先涉間關急暮春平生壯遊興潦倒對魚龍  
其三

平野蒼煙合高城白鳥過澤蘭懷楚客石竹隱湘娥  
谷響歸樵唱江鳴發棹歌夕陽葭菼際將奈暮愁何  
其四

月上船猶進江寒酒自寬弄珠元此夕解珮復何灘  
島嶼樽前動星辰鏡裏看漁歌中夜起余亦飭綸竿  
溪邊晚興

萬井皆秋色千巖盡落暉谷喧隣牧散溪嚮夕漁歸  
初月懸楓岸餘霞戀竹扉坐來憐夜永霜露入人衣  
暮春偕二三子登定惠院亭

臺榭枕黃州春深世情遠雲孤開石壁地板俯江樓  
觸目烟花散傷心三月流棄捐知已矣童冠幾銷憂  
席上贈熊掾

更事資儒術秋筵以故鄉周官欽八議漢法重三章  
亭倚林巒赤園看橘柚黃早樓勿嘆息毛質本鸞凰  
夜簡王少參山中

薇省辭黃鶴蘭橈坐白鷗岸迴霜月抱江迥雲雲流  
銀漢乘宵上金陵四歲留田租聞賜或側識漢皇憂



觀江漲

旬月一來此懷裏  
只可憂龍蛇樓樹杪  
鷗鷺集成頭  
天接江湖混波槎  
群邑浮青鏡  
吾已辦急爲買漁舟  
春日書室示諸子

家聲看子弟世緒行箕裘  
豹隱文當變鸞鳴  
友可求  
專門大戴禮入室以曹優  
閭里高門在須乘駟馬遊  
劉子好辯而不遇詩以贈之

美名吾久識雄辯上口難  
逢君獨談非馬人皆好似龍  
早於干祿拙晚向山緝交  
慵予亦棲遲者相將學老農  
寄館中諸友

一斥嗟江國同遊憶禁林  
如聞視草暇猶有拔茅心  
人事傷川逝吾生嘆陸沈  
百年頻泣玉衆口已銷金  
江上贈夏明府

令尹官初試江邦政已成  
節如秋壁峻心擬石潭清  
願契烹鮮理無矜拔薤名操刀知善割  
愛助亦吾情  
喜廖子過訪席上奉贈八首

畫舸經黃國肩輿訪白雲  
雪行沙草濕風坐圍梅芬  
軒冕非吾意鳧鷖本自群  
無煩談世事杯酒但論文  
其二

供奉違東觀旋歸待北堂  
衣冠照采梓詞賦吊沅湘



野岸桃花發春洲  
蘭葉香他時三徑裏  
遲子洗壺觴  
其三

自喜暫無拘來從  
江海徒尋仙  
憇黃鶴  
謁帝向蒼梧  
澤坐舟偏繫山行  
杖屢扶知君留滯處  
高興屬春湖  
其四

未暇泛湘水徒然  
臥楚雲  
神龍那可係  
野鶴故難群  
世路誰知已交情  
獨有君懸知  
今夜別劍氣  
斗間分  
其五

霄漢長懷侶  
江湖已卜居  
山人惟白鹿  
學士自銀魚  
名致諸公早書開  
萬卷餘  
漢臣誰得似  
詞賦有相如  
其六

地迥臨江閣  
天迴上斗槎  
潛行歌白石  
好去羨皇華  
登嶽元無極  
浮湘未有涯  
明朝相望地  
莫遣暮雲遮  
其七

別我寒移棹  
懷君暮倚楓  
來經黃子國  
去傍楚王宮  
谷口桃千樹  
山中桂幾叢  
故園春定好  
留醉向東風  
其八

奉使仍將母來遊  
荆楚天江光  
藉日色爭繞  
孝廉船  
翠竹筍新茁  
銀絲鱸可憐  
枕邊梅柳樹  
歷歷漢陽川  
夜宴卽事



樓開芳樹合逕轉落花深向夕香風起當筵皓月臨  
游人爭解珮侍女拾遺簪坐上絕纓者應知賢主心

寄方思道七首

赤壁陪仙宴蒼江識壯顏使君趨石上候吏出花間  
解纜欲何往投簪及此還長風解相送一瞬萬重山

其二

觀日臨滄海歸山卧白雲遙尋少谷子同謁武夷君  
心迹能兼遂東南美並聞猶期爲世用且莫去人羣

其三

懷外非關病連章低乞骸鶯花供謹浪杯酒送詼諧  
無用樽因免難容匏已乖因風寄同調好去入君懷

其四

聞爾遊華頂令予夢彩烟戶庭羅峭壁枕簟落飛泉  
山有藏書穴溪多送酒船春江如有興花裏到吳天

其五

憶爾東歸日長爲吳會春觴臨水曲夜棹入山陰  
結侶遊能數逃人去轉深蘭若如可折莫惜寄雲林

其六

逢時非不達憤世獨難平拔劍出門去揚帆際海行  
雖貪謝客賞猶繫子牟情此地便高卧無令負聖明



其七

中朝俱屬望流輩總相推予慕長卿賦人傳幼婦碑  
七襄終莫報九逝竟空思世路風塵滿茫無見汝期  
奉答富順王殿下二首

帝室分封重王孫別館開禮於南嶽敵客比小山才  
爲善心知樂通親表自表雄風難可挹何日侍蘭臺

其二

國自荆藩析書從孔壁傳瞻天蒙肺附朝海切心懸  
賓從思梁死精誠感洛川晚來風稍勁吹月暈生圓

馬侍御見訪山中

村巷傳呼急秋園報爾過烏啼城日曉鷹疾野風多  
繡服臨樵牧花驄駐薜蘿霜威吾所憚暫爲假陽和

其二

一辭金馬籍甘老白雲岑喜子今持斧憐予此盍簪  
各天晤不數末路契逾深徒倚庭前樹棲鳥欲滿林

湖泛

楚地饒洲渚騷人戀芰荷鷁舟張錦席龍笛起滄波  
鳥影隨檣影漁歌入棹歌前溪聞更好欲進暮烟多

過諸子書屋寄虞文表

三禮傳非謬諸生仰獨深偶經伐木地徒有折麻心



雪調朱絃盡星文寶劍沉憐君困已久梁父自長吟  
秋園酌謝子而贈之以詩

待汝頻扳桂憐子久繫匏無嫌一日長願結百年交  
啓戶驚黃葉開尊藉白茅自無奇可問何恠世人嘲

其二

兒童操翰墨四十且無成自汝工諸體令予畏後生  
吾里中丞裔前朝太傅名高才有如此真不愧家聲

其三

我舅爲生祖生名較我嘉忘年稱小友累世屬通家  
王謝賢非乏園廬路不遐逼衰偏篤舊數見惜年華

寄友人

之子鎮南荒威名萬里揚經年聞選士計日欲擒王  
神武元無戰佳兵乃不祥寄言投筆者何事樂開疆  
喜舒鄭二子夜過

寒景沈江閣繁星綴石林一時來二子散帙復鳴琴  
高價真連壁深盟可斷金從今三徑熟攜手數相尋

鄭生

鄭生才可憐白首困江邊長夏自饒睡窮途人餽錢  
相過夜不厭與語日堪延共試山家茗呼兒行汲泉  
馮太守席上留別一首



漢室馮公偉爲郎歲月三  
一麾煩出守白首竟誰  
初雨傳觴日微涼東  
鳩實相看意無限明  
惜馬蹄送  
江上送張子二首

天風忽然至吹地轉  
蓬科別淚隨江水離  
聲雜棹歌  
花時臨赤壁鴈候渡  
黃河小室懷予處長  
塞舊薜蘿  
其二

他時懷大士何地望  
京華詞賦留香草衣  
裳見紫霞  
天邊今朝鴈澤畔已  
秋花歸路衝寒色翻  
思楚客家  
謝氏宅夜集

過爾通宵宴留人樂  
事繁詩題芸草室觴  
倒菊花軒  
月落城烏起霜寒極  
馬喧醉來聊隱几旭  
日散柴門  
溪邊二客過訪

白露窺楓浦蒼苔上  
石門人稀簷雀下草  
冷砌蟲喧  
竹裏開三徑花間倒  
一尊從今延二仲相  
與樂丘園  
秋日過十一叔庄

陶潛耽漉酒阮籍好  
鳴琴沙鴈衝人起山  
蟬傍馬吟  
高秋花是菊僻地竹  
爲林醉後迷歸路蒼  
茫下夕陰  
聞曹子仲禮緣近臣  
之疏蒙賜還之恩事  
出不

虞聊題斯句萬應本無事出不言天聊題斯句八字蒙賜還之恩

鼠逐南天路荒涼北  
斗文翻飛元不意憂  
喜在初聞



驄馬重趨關金雞兩赦君獨傷荆棘裏誰別鳳鸞羣  
病後飲十一叔宅同諸兄弟

川雲流苑細樓月照筵新弄玉元秦女凌波本洛神  
竹林明積雪池草暗生春骨肉情親夜深杯慰採薪  
溪邊卽事呈友人四首

歲晚人猶隔汀寒晝不譁松門當遠岫竹檻俯平沙  
鷺宿依冰片鷗飛亂雪花如聞子猷棹乘興到山家

其二

空齋灘嚮入塌岸水痕除竹杪喧簷馬芸邊走壁魚  
門無題鳳字村有卧龍廬曲巷寒門裏空傳長者車

其三

推窓迎嶠立垂釣鑿冰開木葉先生柳餘花處士梅  
鳥從烟裏度人向雪中來暝色青溪上綠君首重回

其四

佳景每自愜幽期孰與論林開延岫色沙圯滅溪痕  
洗藥穿松葉移尊傍竹根江山待詞客几杖向誰門

李國賓宅留別

首

李昔以賀歲會于京師

汝拜朝正表予留謁帝居經年思鳳吹幾度寄魚書  
患難詎逾篤流連哀未除行吟恐憔悴他日吊三閭

送顧醫



奈倒文園客淹留顧虎頭我看方士傳君向古人求  
藥裹春心蒲風帆晚浪收匡廬傍南斗歸作採芝遊

其四

其四

其四

其四

其四

夢澤集卷之五

詩

陳魯南太史使楚還晤予江上因贈三首

校書辭漢閣持節到江城 萬乘臨軒送諸侯擁篲

迎王人周室禮神女楚臺情詞賦兼文物知無負此

行

其二

睦族遵堯典親臣踐楚郊北門虛視草赤社重分茅

不以雲泥隔猶憐江海交皇華勞藉慰玄困任人嘲

其三



何意大江濱蒼茫接所親相看鬢已變轉盼迹俱陳  
子是浮湘客予爲哀郢人嚴程不我駐臨路倍沾巾  
偶出

偃蹇蒼巖畔沿廻碧水灣鳴琴林竹下洗幘島藤間  
是處雲留卧餘生天與閒徘徊山逕裏指點暮禽還  
進舸

進舸清秋暮吟風錦樹開前鳧衝棹散後鴈逐帆來  
石出灘聲轉沙明月色廻欲知臨泛未試看曙光催  
訪童內方太史于漢口舟中卽席投贈二首

漢廣來非偶人遐會亦奇獨趨金馬去暫遣白鷗隨  
泛舸疑牛渚彈冠想鳳池當憐澤畔侶顛顛不勝悲

其二

每憶朝端舊寧期漢上逢舉杯醉鸚鵡吹笛擁魚龍  
天遠江俱盡楓迴渚自重知君欲解纜爲我且從容  
宴曾氏園亭卽事遂成艷曲二首

賓客醉華堂情親向曲房佳人牽架蔓稚子搦池楊  
風起青蘋末雲生錦石傍勿云天日暮銀燭散朱光  
其二

曲榭恣黃綠名園更接連引枝分柰果撥藻數盆鮮  
醉舞花低戶嬌歌鷺近筵儘教歡樂極莫負艷陽天



夜坐庭前棲鳥乍驚

側識安巢意那堪繞樹悲風寒難自穩月白更須疑  
鳥鵲仍三匝鷓鴣但一枝卑棲復如此何有上林思

劉氏雙挽

蒿里風雲變松丘歲月深劒埋龍並逝簫去鳳俱沉  
鬱鬱楸梧氣悠悠伏臘心承家看令子壯節比南金

寄楊太常 武陵人

屈宋流傳古丘園道路賒湘潭題杜若源水問桃花  
黑髮遠朱紱青山卧綵霞春霄目歸鴈早晚惠瑤華  
遊武昌江龍盤磯寺

巨石表江心花宮傍太陰天寒龍臥穩雲迥鴈飛深  
棟宇飄明鏡汀洲嚮梵音慈航向夕渡轉覺戀柅林  
與客夜宴舟中

宵岸移星舸秋尊款月扉弄珠疑漢女鼓瑟憶湘妃  
聽曲魚龍出撩筵鷗鷺飛天寒不覺醉斗轉未言歸  
送王洪德人蜀

落落幽并客栖栖荆楚顏遙知問卜去或是泛槎還  
雲雨經三峽風煙犯百蠻看君壯遊志去矣杳難攀  
張子魚過訪

故人天上至清宴夜深開澤畔微芳度江皋暝色迴



楓林停翠幘月岸擁金壘正苦歡娛逼無令候吏催  
送傅子歸豫章

歲宴向何處云之故國天行當臘雪盡歸及春風前  
片帆九江影瀑布廬山泉送君何所托爲吊石灘賢

石灘賢  
袁州號也

楚眺

執迥臨高閣江湘萬里餘草邊雲夢獵花下武陵漁  
白日山川氣清秋水竹居仙踪同霸業消歇總愁予  
夜過邵子草堂

覓徑依林薄傳杯竟夜分曲堤盤古月老樹宿寒雲  
室靜江鳴徹山空鬼嘯聞倦來吾謝去明發過論文  
江上贈羅汝延太守二首

君今握印綬吾已息柴荆雪舸寒初繫風汀晚更鳴  
雲霄五馬貴江海一鷗輕贈子以何物中洲攬杜蘅  
其二

獨釣江城棋相逢水國寒滄浪漁父曲綠鷁使君灘  
雪後雲增白楓迴岸匝丹一麾當歲晚行路莫辭難  
雪中喜冷生數來

念子貧到骨祥狂頗自賢未辭東郭履頗泛剡溪船  
彈鋏竟不遇吹簫古有然蛟龍本神物變化知何年



夕渡訪友人

曠色滿清川幽人何處邊山腰翻落照水面沒遙天  
買爨灘煙合漁歸岸火懸刻溪今夜棹乘興未言旋  
登武昌西山絕頂二首

昔望懷徒積今登氣益雄壺觴飛鳥外几杖入雲中  
地引江湖盡天合澗壑空壯心殊未已浩嘯倚長風  
其二

山迥人躋倦雲長鳥去遲天中傾竹葉日下把松枝  
石想吳王劍城吟謝客詩醉歸臨渡處應與夕陽期  
宿龍蟠磯寺中

龍象開靈嶼鼉鼉戴法筵石間攢寶樹鏡裏湧紅蓮  
香氣潭烟接燈光岸火連禪房風浪逼求夜不成眠  
晨渡望龍蟠寺

石拔煙霞抱舟迴浦叙通樓臺疑屨市鐘鼓識龍宮  
寶樹縈波上金花落鏡中何時登彼岸一洗世緣空  
寄上富順王殿下

南國諸王館池亭獨有名楚風蘋未動淮月桂叢明  
中物醒先析當天暈已生無令為善樂東美漢東平  
戲贈西陽子二首

西陽談道術冬日尚絺衣  
啓戶歡晴旭無余憚夕暉



黃金慚不就白髮欲何歸  
餓餓朝來迫蓬頭叩我扉  
其二

未試餐霞術空傳煮石方  
三旬九九食頰面頰倉皇  
灰冷燒丹鼎香餘賣藥囊  
嚴寒君少畏歲已逼青陽  
春日山居卽事五首

草動三江色林占萬壑晴  
籬邊春水至簷際暖雲生  
溪犬迎船吠隣雞上樹鳴  
鹿門何必去此地可躬耕

其二

瓜地斜侵浦茅堂曲抱山  
琴書青竹裏枕簟綠蘿間  
累日頭無櫛浮雲心自閑  
交遊漸稀少雙戶晝長關

其三

築室清溪曲爲園古道傍  
苔痕侵戶牖雲色上衣裳  
牧笛依青草漁舟隱綠楊  
偶然幽興愜搔首放歌長

其四

繫舸籬傍樹開渠檻外流  
竹烟藏曉嶂花氣覆春洲  
玄鳥營巢至陰虫逐侶遊  
生涯堪放浪何必世人求

其五

野曠林爭出花深徑屢迴  
春風芳草上乳水白雲隈  
燕接飛虫去鶯沾落絮來  
小堂宜竹護一一竹鈎裁

送王知事還蜀



佐郡已三載還家無一錢苦心成白首達命任皇天  
峽東秋江怒雲盤古棧懸歸來揚子宅寂寞守吾玄

丁酉之夏觀文溪子於大江之濱與之述往感  
時命酒坐石揮涕而別太息成詩

愴爾離群久艱危更可傷一麾堪白首萬死出南荒  
天入瀟湘閱風驚鶴鶴揚垂堂古有戒去矣慎舟航

李袁兩生過飲

駕枉潛夫室堂開上客筵雖吾文人行愧汝兩生賢  
春去傷花艷年來倦草玄吁嗟老將至何以使名傳

夢澤集卷之五

萬應存李袁物  
生而能下者有江上  
一首與汪子以下  
此字極不另分卷



中國書店標價籤

編	號	本數	定價
		4	10.5

書